



十六

三十三

土岐文庫
文庫17
W68
16



10 15 20

文庫 17
W 68
16

昭和六十年二月一日
土岐美吉蔵氏
贈

010183194146

欽定國朝詩別裁集卷三十

禮部尚書 臣 沈德潛纂評

紀映淮 字阿男 江南 江寧人 詩人 映淮 妹杜某室 以苦節旌門

秦淮竹枝詞

樓鴉流水點秋光 愛此蕭疎樹幾行 不與

行人縮離別賦成謝女雪飛香 王漁洋秦

柳鴉流水空蕭瑟不見題詩紀阿男蓋
賞其風神也紀詠桃葉渡中云皮搖秦
代月枝帶晉時
春亦極佳句



國朝詩別裁集卷三十

錢鳳綸字雲儀浙江錢塘人

哭伯兄

在昔皇天頓覆卵無完理兄不即殉身感奮良有以摩挲雙匕首。一夕再三起千鈞重一發恐復憂天只荏苒歲月間隱痛入骨髓未堪警人胸抱疾忽焉死尸骸豈不瞑不繼非人子尚存娥親在李壽汝莫辜因兄報讐之志未遂而死已以一身任之字裏行間讀去鉅有聲使人增孝

思增義氣也第末知異日報讐與否

畢

著 字韜文江南飲焯人崑山王聖

死屍為賊擄眾以請兵復讐著謂請兵則曠日賊且知備即于是夜率情銳入賊營賊正飲酒驚駭著手刃其渠眾潰以兵追之多自相踐踏死者與父屍還葬于金陵時二十歲女子也後來吳中為崑山王聖開室翠布荆釵無往時義勇氣矣白首相莊以沒閩毛太史大可集載沈列女雲英為父報讐殺賊事與相類豈世亂時天故小奇女子不一人耶抑所傳聞異辭耶 昭文詩稿向見于家東元兄處序中有云梨花槍萬人乞敵鐵

胎弓五石能開又云入軍營而殺賊
虎穴深探奪父尸以還山龍潭安葬
又云室中椎髻何殊鴉仲之妻隴上
携鈕可並龐公之偶時異其人抄錄
五言古七言絕二章來遠兄沒畢詩
編索不得矣存此舊錄聊以見其生
平

紀事

吾父矢報國戰死於蘄邱父馬為賊乘父
屍為賊收父讐不能報有愧秦女依乘賊
不及陳夜進子貔貅殺賊血漉漉手握讐

人頭賊眾自相殺屍橫滿院溝父體與櫬
歸薄葬荒山陬相期智勇士慨焉賦同讐
賊賊一掃清回家固金甌戡和義勇忠孝
於一詩中見之

村居

席門閒傍水之涯夫婿安貧不作家明日
斷炊何暇問且攜鴉鷺種梅花視前詩如
出二人

章有湘字正篋江南華亭
進士孫中麟室

曉思

意外雞初鳴。花間露未乾。欲臨明鏡照。猶
怯翠眉寒。宿鳥翻林樹。歸鴻振羽翰。不知
鄉國信。何日報平安。

錢敬淑

字師令。江蘇人。談允謙室。

泊浦子口

殘年泊歸擢。問酒郭西亭。雪圃芹芽白。江
陂竹葉青。夕陽新別路。衰草古離情。隔岸
寒山色。含悵望舊京。

吳

琪字蕊仙。江南長洲人。管
助室。後寡居。皈依空門。

送別

雪意滿芳洲。蒼山引去舟。霜風醒客夢。茄
月起邊愁。萬里從軍急。孤身倚劍遊。家園
落日裏。莫上最高樓。

春晴晚眺

積雨經旬鶴未過。小樓閒眺費吟哦。簾開
燕子歸來晚。門掩梨花落處多。新水小橋

通蕙晚。亂山古寺入烟蘿。雲開樹杪看浮棹。畫出春帆送綠波。秀娟

吳

納字素公江南長洲人常熟進士
高陽夫人論古詩樂府源流即謂素
公也定遠斷持論少可多否而推
許夫人則夫人
之詩格可知矣

嘯臺

魏晉已如夢。荒臺今獨存。龍蛇正交鬪。鸞鳳自高竄。避俗惟長嘯。逢人常不言。始知

真隱意何必入桃源。

八手高明沉鬱盛唐風槩

七夕

星光歷歷漢悠悠。悵望雙星獨倚樓。莫謂人間多別恨。便疑天上有離愁。梁清謫去誰相伴。子晉歸來合共遊。惟有月娥應最妬。一輪風露不勝秋。

楊柳枝詞

宮柳初開一抹眉。武昌城下乍逢時。春來

樹樹煙條綠。欲認何枝。是舊枝。
寒食東風已滿城。小枝纖弱拂啼鶯。東君
不情離人苦。又向前年折處生。

詠古

公子翩翩信絕倫。擬將豪舉卻狂秦。不知
賓客成何事。枉向樓頭斬美人。信陵之得
毛薛可云
得士若三千中十九人皆碌碌也而斬
美人以謝之耶平原之徒豪華即於此
見之

侯懷風

字若英江南嘉定
人通政諱峒曾女

感昔

黃河流。水響潺潺。當日腥風戰血殷。大地
盡拋金鎖甲。長星亂落玉門關。居延蔓草
繁枯骨。太液芙蓉失舊顏。成敗百年流電
疾。蒼梧遺恨不堪攀。此感思陵失國時事
降將倒戈虎臣戰沒
而君王因之殉社稷矣
忠臣之女宜有是詩

吳氏

江南桐城人○未詳名字出處
然以女子能組織史事殊為難

得於詩觀
中錄之

詠史

六貴同朝激虎彪橫江勒馬下秦州銀鎗
 酒市春雙鬢王樛蓮臺月半鈎趙鬼西京
 諳漢賦阿兄東閣壓通侯誰知講武旄頭
 入芳樂笳聲碧麝秋蕭衍謂張弘策口六
 昏雙符之符有趙鬼者能讀西京賦曰
 相梁既史建章是營乃大起芳樂等苑
 梅蟲兒齊主
 呼為阿兄

右南齊

同秦一人歸佛地壽陽千騎渡江波盟成
 自取金甌缺蔬絕空陳雞子多五月誰勤
 君父難七官先反弟兄戈江淮廢後襄陽
 促秋草臺城放橐駝臨賀王正德引侯景
 以千兵渡江金甌無
 缺武帝自矜語圍臺城時蔬茹皆絕即
 臨王綸上只子百枚太清二年五月武
 帝殂武陵王自稱帝曰七官文士
 豈能匡濟湘東王繹行七故云

石南梁

倪仁吉

浙江義烏人。仁吉工寫山水。嘗種方竹于庭。以自况也。有同志者斫一竿与之。

題宮意圖

調入蒼梧。斑竹枝。瀟湘渺渺。水雲思。聽來記得。華清夜。疎雨梧桐。獨坐時。

范

姝

字洛仙。江南如皋人。諸生李延公室。

聞蟋蟀有感

秋聲聽不得。况爾發哀吟。游于他鄉。淚空

一衣心。已憐裝閨靜。不慮寒垣。蕭瑟

西風集。行看霜雪侵。

此開蟋蟀而懷遠行也。起十字便已高絕。

熊

涓

字碧滄。江南長川人。字瀾石室。

寄遠

幾回聞雁憶。連然天末。遙將錦字。傳萬里。飄流羈遠客。十年召遠阻。迴雁浮雲日。斷蒼山外。落月魂消。海邊何日。刀鏃遂初約。免教暗卜。擲金錢。

柴靜儀

字李德江錢塘人沈漢嘉室有疑否

貞亮乎亭術之正韻語時帶箴銘不可了風雲月露中求也合子方海陸

承母教已詳二十五卷中

與冢婦朱柔剛

淡閨白日靜薰香香子也病起罷膏沐沙

若明河秋自汝入家山作苦不休蘋

既鮮潔牖戶還綢繆又矢志四方錢刀非

所求惜哉時未遇林下聊優游相對理琴

瑟逸響隨風流潛龍慎勿用牝雞乃貽羞

寄言閩中子柔順其無憂以得躬勗子以洲慎勉婦閨閣

中居然儒者

子用濟有遠行詩以貽之

吾子薰吏孫讀書味生理三十未成名徒

然還鄉畢外侮旋復來內憂方未已忽然

遠行役披衣中夜起明星光在天河流正

瀟瀟行雲有返期遊子靡所止攬涕下高

堂長途從此始。

野雀從南來。翩翩思擇木。感此主人賢。飛鳴集其屋。才地非獨優。處卑願亦足。矧有

嘉樹林。朝昏託棲宿。鷹鷂過莫窺。爵羅無

由觸。哀彼黃鳥詩。長謠念邦族。詩中此詩勉其因不

失親隨遇自安也

島用濟

君不見侯家。夜夜朱筵開。殘杯冷炙。誰憐

才長安。三上不存。意遂頭薰面。仍歸來。嗚呼

世情。日出千憂。傷車食肉人。爭羨讀書彈

琴。聊自娛。古來哲士。能貧賤。立身一敗萬

不能貧賤之故。貧賤中正可磨鍊人品也。能貧賤他日即能富貴矣。學者宜三

復斯言

長信宮

玉臺妝罷無人見。傷心空自悲團扇。秋草

偏生長。信宮春風只在昭陽殿。殿裏君王

酒半醺嬌歌雅舞爭紛紛三千錦帳飄香
麝十二長鬟散絲雲。眾中別有人如玉新
妝艷嬌紅燭不許寒烏帶月啼。恐驚春
燕。御花宿。誰憐長夜夢難成。忽度流鶯似
有情。片月高高挂天漢。千秋應照妾心明。

秋分日憶子用濟

遇節思吾子。吟詩對夕曛。燕將明日去。秋
向此時分。逆旅空彈鋏。生涯只賣文。歸晚

宜早挂。莫待雪紛紛。

送顧啟姬杜上

一片桃花水。盈盈送客舟。春來萬樹柳。葉
葉是離愁。顧我窮途者。逢君意氣投。烟虹
時染翰。風月幾登樓。只合薰香坐。誰堪鼓
棹遊。燕臺一回首。雲白古杭州。

王

慧源字韞蘭江南太倉人學使王長
方來室。韞蘭一門風雅得所承受
故其詩清疎朗潔其品最上王漁洋

祇賞其一。縷柳花飛不定。和風搭在綉牀前。猶以尋常閨閣待之也。

山陰道中三首

出郭忘遠近。十里清陰中。川陸互回波。延緣遂無窮。岡巒去殊勢。竹樹交成叢。安知蒙密處。下有溪流通。石橋路可尋。一轉迷西東。烟空人不見。寂寂山花紅。

荷行轉深迥。所得益幽奇。萬壑與千崑。今來始見之。紛紛紅復碧。相引呈異姿。心目

所應接。人各領其私。煙縷出叢薄。山家住

茅茨。人世杳然隔。何殊太古時。人各領其私。正以私

見公從少陵欣
欣物自私化出

溪流繞曉巖。一葦去不息。沙瀨清且淺。水底見竹色。文石無歲年。山根浸歷歷。谷鳥鳴轉幽。溯洄安所極。水花愛明淨。絕境香難即。可有浣紗人。一笑似相識。

冷泉亭

泉聲檐檻外。林壑杳然深。人世熱何處。我
來清到心。松林藏日色。潭底臥峯陰。自
樂天記山光寒至今。

移居茜里舊宅

新塘一水繞街東。舊是柴桑五畝宮。松菊
尚存思祖德。蓬蒿不剪見家風。花深雞犬
蹊籬外。潮落魚蝦小市中。卻愛堂前雙燕
子。還尋故壘入簾櫳。

秋夜夢同先慈賦詩得天上桃花之

句覺後因足之

太華峰頭見上真。霞衣綽約是前身。海中
若木何嘗夜。天上桃花不計春。瞬息去來
原是幻。片時歡笑亦相親。鐘聲已碎昆明
劫。可向毘伽問後因。語有仙氣不
因鏤刻而成

鄰女幼歸汝家。因壻無藉淪于塞下。

聞而有感

曾向鄰居共絳紗。裁雲詠絮鬥方華。香沾
繡帙同分線。春暖妝臺互送花。漫說羅敷
原有壻。可憐蔡琰竟無家。於今辮髮垂雙
耳。紫塞斜陽泣暮笳。極不堪事。寫來蘊藉。服其筆墨之工。

芝塘候潮因憶亡女

水淺舟膠日半斜。扣舷閒望似天涯。煙深
竹塢鳩呼雨。潮落蘆根蟹聚沙。愁緒縈纏
同蔓艸。年華衰謝感殘花。劇憐弱女常同

泊相對。遙窗數晚鴉。

禹陵

明德彌蒼昊。神功邁大庭。懷襄方盡力。胼
胝極勞形。草木開蒙昧。龍蛇滌穢腥。鑄金
九土貢。誌恠八方經。蒼水先呈簡。防風後
至刑。相傳弓劍棄。此地隄泉扃。三古遺祠
廟。千秋共薦馨。壁牲前代典。碑版列朝銘。
深殿後羣后。空山走百靈。舊聞雲罕駐。今

見 翠華停心法傳河洛天章煥日星殊

恩沾後裔異數出明廷肅穆瞻新像登臨

泊小舫城垣辭鏤琢戶喧烟丹青莫覓藏

書穴徒看空石亭蘿長懸鼠跡松老鶴修

翎衆水環襟帶諸峰列嶂屏橋山同故事

寂寞對秋坳一起五韵包括神禹生平通體整肅有少陵諷先主廟風

格不意于閨闈中見之

徐氏山東新城人耿侍御鳴世室卸御史庭柏母

尚子詩

家內平安報爾知田園歲入有餘資絲毫

不用南中物好作去清官答聖時見王漁

詩話中

張氏山東德州人麗水知縣田緒宗室刑部侍郎雯母封太恭人著

有於茶集

示兒

一部楞嚴戶畫扇木魚竹杖倚圍屏老人

自覺修齋好。不為兒曹講佛經。講孝經可

也宜用氏後有令人

麗 晚字小宛江南吳江人詩人只鏘

鏘字聞璋嘗以詩扇贈先大夫係其夫入瑣窓窗句余兒時即喜誦之今錄于此每

卅見實時也

瑣窓雜事

天堦長負老歲華。生憎名字滿天涯。席門却有閒車馬。自拔金釵付酒家。夫堦身分即徒留真

傳出而已之賢洲亦從此可見

春雨春寒過落梅。連宵不禁晚風催。閒園

收拾殘花片。供得兒曹釀酒來。

吳永和字文璧江南武進人董玉蒼字

虞姬

大王真英雄。姬亦奇女子。惜哉太史公。不

紀美人死。虞兮之死史筆無暇及此然一經枯出真見心思

贈小子玉蒼北上

挾集長安去。誰憐行路難。恐傷遊子意。別淚不輕彈。

丁 瑜字靜嫻浙江長興人進士
瑜 斌眉錫室著有皆綠軒詩

家居

木石風花結四鄰。寂寥門巷久無人。昔年燕子今重到。始信交情獨真。

張介儀 字柔嘉江南桐城人姚相門室
著 有蠹窗詩集 此文端公長

女也工古文不專韻語端本
注李比于韋進母之授徑

西顛

大火既流涼風薦爽四時代謝成功者往
是刈是穫東作乃登馨香玉粒神享其絜
率我婦子中夜鳴機涼霜戒晨勿使無衣

玄冥

北戶乃墜。疑陰沍寒雨。儀混一。雨雪湯湯
何以禦窮。修其吉蓄。艸木既胎。蟄蟲咸伏
無視無聽。以還純朴。百爾君子。宜謹嗜慾。

於天時為閑燕于人心為守中
得漢人氣息而又別存理趣

不寐

天將降陰雨病骨必先痛
輾轉不能寐常至霜鐘動
老覺近年增愁自三生種
萬慮積此時疾苦非所重
逝者日以久憂來誰與其
一歲又將除五窮復難送
翻羨長眠人不醒鈞天夢
此林未亡後詩得白太傅神理
五畝園舊蓄二鶴忽頌其一孤侶哀

鳴鶴忘飲咏詩以弔之

西風一夜返芝田
仙蜕儂形尚宛然
舊過蒼苔猶有迹
重來華表是何年
獨臨池畔悲孤影
映入秋空泣暮煙
何處惹人情最切
嚴霜落葉五更天
弔鶴實以自弔五六語分寫孤侶哀鳴字

病中口占

珍重餘生劫後身
卻憐孤負一分春
殷勤

好與東風約。留取餘花待病人。

徐昭華 字昭華浙江會稽人諸暨縣加采室

送虞英嫂歸諸暨

落盡紅衣蓮子多。相看綠水木蘭過。曉風不解吹愁去。偏送佳人到鄂蘿。

孫淑 字靜谷江南常熟人諸生許灝室孝廉進益母著有詩集四卷

○集中有詩執行作于九十歲時述孫許兩家門戶之盛衰一已終身之閱歷皆樂天安命語也共五百餘言一時遠近待誦

五日弔古

田文五日生。屈原五日亡。吉凶同此日。理固難推詳。原與國休戚。一死分所當。漁父柁自鼓。詹尹龜宜藏。抱石投湘流。心與日月光。文從狡兔計。高枕樂未央。後合魏秦趙。伐齊何披猖。身死薛隨滅。高戶仍不祥。文生雞狗雄。原死荃蕙芳。世人何夢夢。悲屈羨孟嘗。我心獨不然。臨風慨以慷。撫時

懷往事聊進菖蒲觴正則之死賢于孟嘗之生合兩傳核之其

論自定定論出閨 閨中大難大難

金氏字去英江南吳縣人吳江沈六書室

偶然作

灼灼庭前花春風鬥紅紫隨榮復隨謝盛衰偶然爾。艸木豈無情誰能一生死我思更如何欲種菩提子。

彭氏河南鄧州人廣西布政諱而述女李編室

華山

三峰崒崒插青冥高處平捫井鬼星池上蓮花開印月。澗邊石鼓動雷霆藥籃何日逢毛女仙掌於今憶巨靈願駕鹿輶過霧市丹爐石榻檢遺經

王煒字功史江南太倉人陳緯度室

鄉思

不禁鄉思倚危樓山色空濛海氣浮風雨

別來花半老。音書隔絕雁。驚秋林間野鶴呼。幽夢天際浮。雲帶遠愁好。寄相思。與婁水門前日。日有潮頭。

王瑤湘 字瑤湘 廣東南海人 詩人 王隼女 李孝先室

獨坐

殘燈明滅裏。遙夜夢醒時。起立庭前樹。孤懷明月知。

擬送別

孤舟暮歸去。別路江南樹。煙外有鐘聲。故人在何處。

朱柔則 字道珠 浙江錢塘人 詩人 沈用

珠遙寄故鄉山水園主人作詩有應憐大壻無歸信翻盡家山遠寄來之句方舟旋歸當時傳為佳話

寄遠曲

恨少垂楊柳。殷勤繫王鞵。夕陽鴉背暖。春雪馬蹄寒。入世逢迎拙。人去住難覓。兒

啼向我昨夜夢長安。

獵獵風初勁。沉沉雨未闌。因憐兒被薄。轉

憶客衣單。栖燕將雛苦。征鴻失侶寒。居家

與行路同是一艱難。

聞說燕臺路。生涯亦可憐。恥彈門下劍。謔

乞廣文錢。久客非長策。歸耕有薄田。一

痛慈母急為卜牛眠。諷遊子以行路之難

謂以法貧賤親正人易子也。未章。莫就急歸遊子不容不歸矣。性情。

詩安得不工

送外之大梁

前時失意悔遊燕。此去中州枉自憐。飄泊

君同蘇季苦。操持吾媿孟光賢。計程已隔

三千里。念別誰堪四五年。自注。方舟云。行以五年為期。

莫向離亭歌折柳。恐催客淚落離筵。

河渚觀梅約顧女。春山舟妾

相期河渚玩春華。一棹迎風路未賒。樓外

有梅三百樹美人不到不開云約看花而不到不

開望其早到也不妬可知詎止工于措語

方舟廬先姑墓感賦

寢苦枕塊空山裏仰望松楸淚泣然縱使
慈烏能反哺可能飛得到重泉

張學典字古政山西太原人

感亡姊舊居

繡網蛛絲鏡滿塵閒花狼藉不知春添愁

怕見梁間燕猶是呢喃覓主人

張凌仙字學鳥江南吳縣人沈某室以苦節聞

雜詠

家住青山側青山斲塵迹浮世幾興亡依
舊青山色

明鏡如滿月朝朝美妝靚一自棄塵埃不
照孤鸞影

夙昔愛鳴琴流泉指下生子期今已沒誰

聽斷腸聲

歲暮感懷

燈前課子誦其編。百事縈心逼歲闌。泉路
十年音信斷。空山風雨一家寒。四斷句中
俱有冰霜

之

顧

英字若憲江南長洲人印江知縣

張之頊室孺人蕭然四壁為
房蘿屋間時聞誦詩讀
書聲遠近稱女學士

初夏送夫子北上

杜鵑喚春歸。和風吹芳菲。何堪對斯景。把
酒送吾子。分手即天涯。惜此須臾。各別緒
如繭絲。柔情似潭水。離懷寄孤鴻。相思記
雙鯉。征途勉加餐。努力拾青紫。上慰高堂
親。下酬賢伯氏。君行既雅醇。君才復俊美。
但保金石心。豪門勿投趾。堯李易凋殘。松
柏豈朝蕤。行矣勿悲嗟。風雲自此始。不枝

何用不減勉夫以持身處世之正也保
金石心斷豪門迹守以兩言可云有所

不為矣此種詩
猶存雄雉遺意

周淑媛字又洲江
南秦州人

元日哭先大人

一夜思親淚。天明又復收。恐傷慈母意。暗

向枕邊流。仁孝之言
自然流出

張 繁字采于江南長
洲人吳士安室

戲為外子撥悶

失意休教苦自煎。為君把卷論前賢。兒頭

應笑同王霸。好鈍何須學鄭玄。蘇若高壙

情更洽。操春舉案志猶堅。又藏額有牀頭

醞。莫負梧桐月正圓。奴愛才如蕭穎士婢
知書似鄭康成向推

劍南佳句得其意而翻用之以高隱重
不才藻鳴也家夙敦朴于茲可見

沈樹榮字素嘉江南吳
江人葉舒穎室

送別

落葉楓林兩岸秋。曾於南浦動離愁。祇今

一片江南月。不照歸舟照去舟。

瑯琊女子 浙江桐鄉人

和汪鈍翁始蘇楊柳枝詞

柳條風靜雨初收。更罷羅衣嬾上樓。花下欲將新月拜。一鉤卻到綠梢頭。

葉榜 江南崑山人

孤鴈

一。声。淒。切。度。河。梁。不。訴。離。羣。也。斷。腸。寂。歷。寒。沙。眠。嫩。羽。空。明。霜。月。照。分。行。無。心。避。遠。

銜。塵。秋。首。恐。餘。生。逐。稻。梁。問。道。邊。庭。尚。在。

成。孤。鳴。幸。勿。到。遼。陽。

侯承恩 江南嘉定人

丁酉三月葬親吳郡貞山之麓淚餘

賦此

買得吳山土一堆。思親日夕寸腸催。粗安窀穸封新鬣。可卜神明穩夜臺。滿口松杉滋涕淚。無情猿鳥亦悲哀。祖先邱隴遙相

望。累葉忠魂。摠不灰。

薛環

字素儀江南長洲人山人李崧繼室

寒食

一樣鶯花二月天。錫簫聲裡與蕭然。三旬

九食吾家事不獨。今朝是禁煙。想見清士家風

張氏

湖北蕩江人

絕句

病廢機絲老。虎蠶牙。截相失。只首沈。

漢賦都收捲。日向明窗誦二南。蕪辭藻而重脩齊聞

中端本之李

倪瑞璿

江南宿遷人徐起泰繼室。不順供職。婦德也。獨能免潛閹。誅姦斥佞。巾匣中易有其人耶。每一披讀。悚然起敬。

過凌城廟謁古戴二公忠義塚

古諱達可戴諱國柱。同以忠勇見

知於可法史公。自注時史公總督漕運巡按淮揚

懷宗十四年。流寇袁時中寇睢。古

時駐宿邀戰往擊戰於凌城廟眾寡不敵俱死焉史公隨遣使致祭命於所瘞地刻石立忠義塚稱呼二公真烈丈夫哉丁酉秋予同母氏往過拜其墓深惜其事之未傳於史也因為詩以俟輜軒之採

秋風鳴高空亂峰下斜照老樹枝交天蒼黃覆古廟入門捫殘碑太息拜遺像

明運衰羣盜起眾嘯勦撫兩夫策逢蠶蠶虎豹所過無堅城蒼生任凌暴二公直人豪忠貞出天造金鐵治成心冰霜厲寒操賊鋒一朝來矢石躬親冒官小誓捐驅力薄那自料慷慨互爭先從容共談笑燃炮擊賊人天地為震悼賊用蠶魅法自注命拜炮蟻聚蜂屯到眾寡勢不當頭斷臂猶掉成仁併取義日月爭光燿碧血灑平蕪

卷三十一
三

賊馬不敢踏至今曠野中白日常見燒如

何八十年薦紳少憑弔姓氏已稀傳父老

猶相告蘭臺事纂修幽微須闡耀誰為秉

筆人搜求不遺與勅按兩失策二語斷尺

罪古戴二公明史失
載以詩可補闕畧

四弟懇子易其名字子取文王世子

語為更名曰克昕字徵子因詩以

助

人生重賢豪不在名字美難以易相方注

唐進士黃居難為詩慕白
樂天故名居難字樂地亦將白自此注

李亦白豈遂足追配效顰空復爾四弟性

明慧翩翩致可喜世業下相城生來故家

子先人早素世淪落來居此家毀不謀歸

僑寓貧如洗晝夜復和太提携賴母氏就

傳勤誦讀弱冠然軍齒挺然才氣雄籍甚

聲華起爾字與爾名呼之有年矣忽然厭

舊稱十呼嬾一唯向我索更之我特不敢
諉文取世子篇義載大戴禮宗郊愛宋庠
飲香從此始名氏新改初譬若居新徙努
力事葺修棟梁庶不圯莫若江南橋踰淮
化為枳酌雅稟經顧名
思義詩不徒作

戲贈山人李老

自注山人有足疾
為余舅氏權園

李山人年已翁可憐白髮顏猶紅矮苑屋
是爾宮青藜杖是爾董烟霞滿懷邱壑臥
夜呼骨痛朝呼餓戚施舉步行逡巡天意
厚汝汝莫嗔汝不見孫臏成名無一足荷
堅快意得半人

樊大舅客金陵有詩弔方正學先生

墓子次其韻

金川門入北平軍叔父周公逐嗣君碧血
一區埋十族青山千古護孤墳祠依忠烈
緣同志自注聞先生祠
與景公祠相接蘇蝕碑銘認舊文

樵牧那知青史事。經過也復帶斜曛。正

所見夥矣詞嚴義正氣足神完在出斯篇之右

閱明史馬士英傳自注既大絨附

王師問罪近江濱。宰相中書醉未聞。復社

怨深謀汲汲。揚州表到血紛紛。金塘舊險

崇朝棄郿塢。多藏一炬焚。賣國仍將身。自

賣。竅。雄。兩。字。惜。稱。君。貴陽懷寧二賊臣抵

之讐王師南下闕部告急掩耳不聞視賈似道之不救樊城尤為人頭

也竅之殺身亡家遺臭終古末路安可問哉竅雄二字曹孟德輩足以當之子以姦而不予以雄具有卓識

金陵懷古

石頭天險壯層城。虎踞龍蟠舊有名。晴

三分吳大帝。渡江五馬晉東京。高臺鳳去

荒烟滿。廢苑螢飛茂草生。往事不堪頻想

像。夕陽西下看潮平。

憶母

河廣難杭莫我過未知安否近如何暗中
時滴思親淚只恐思兒淚更多因憶母而轉出母之情倍深

憶女其情倍深

林以寧 字亞清浙江錢塘人錢石臣室

憶父禹都

曉登百尺樓遙望中條山天際有白雲日
夕自往還去來何寥邈引領難追攀誰云
生女好少長違親顏豈不眷庭闈安能真

問問問寢父踈澗視膳良以歎回步循南

院躑躅涕洟

陳珮 字玉江南天長人江賓谷室

瘦菊為小婢作

瘦菊依階砌簷深承露難莫言根蒂弱翻
足奈秋寒

哭程夫人

忽駕青鸞遠碧虛瓊花吹折痛何如修文

應是才人盡徵到。姪娥舊侍書。天上修文
茂成套語

一用點化
頓意鮮妍

蔡琰字季王遼陽人緩遠將軍統榮
女高文良公其倬絕室
誥封

一品夫人著有蘊真軒小草
一
等項每與商酌定稿閣中良友也
集
地有
敬者

辰龍関

登危獨惘然。重関寂寂鎖寒烟。遺民

老剩頭間雪。戰地秋開郭外田。聞道萬人

隨。四馬曾經六月。隨飛。寫殘碑。灑盡諸軍

淚。苦蝕塵封四十年。

関鎖嶺

山從絕域勢遙分。天限西南自昔聞。烽靜

戍樓。狐上屋。風喧古木。鶴驚群。橫盤石磴

危通馬。深鎖雄関。冷護雲。吐馭昇平。犹竟

險。揮戈誰憶舊將軍。

江西坡

西嶺千重簇劍鋌。曾歷萬騎羶羊腸。果燈
明滅圓青血。野塚荒涼嘯白楊。夢斷層霄
空漠漠。事隨流水去茫茫。只今剩有殘兵
卒。指點空山說戰場。

九峰寺

蘿壁松門一徑深。題名犹記舊鋪金。昔生
鹿出雲香火徑。心厨有蠹蟬赤手。眉

千載事。白頭歸佛一。生心征南部。曲今誰

是剩有枯禪守故林。安遠將軍平矣逆後

終四章皆怀滇南征戰地悲歌感慟
其原出于少陵諸將詠怪古蹟等篇

方京字彩林廣南番禺人進士諱殿
元女廣文金於室子祖靜貴

誥封恭人。恭人承家教古詩宗漢
魏近体宗盛唐故所著五宋元氣味

薤上露

薤上露日出晞。朝槿花日暮萎。微物轉瞬
間。人生諒如斯。彭祖帝堯民亦復同所歸。

服食求神仙。仙成竟何時。守道以待終。令名庶可垂。蕪露原詞只言人命奄忽以挽守道今名為不朽粹然儒者之言

送孟調大姪南遂

相對疑夢寐。言別百愁生。孤飛易為感。使我心魂驚。聚散人生常。此別難為情。爾我本一樹。相期共枯榮。爾今折枝條。茅隸何待。爾沾爾我本懷老。羣顛難行。爾今返吳中。開門守硜硜。勉哉崇令德。努力以揚名。

取法不在遠。祖父有遺型。周親我老矣。垂淚重丁寧。古意古音昂之以正

示長媳楊珊珊

十年為婦。蓼莪餘。疏水家風。樂自如。死似舉場勤。苦士粧成。惟對古人書。姑近儒者婦近書生

閨中樂事備于一家矣

吳雲華 字雲素 江南吳江人 貢生 葉舒璠 宣

皇朝詩苑卷三十一

秋日邨居

自愛投閒縱所之。江村林壑漫棲遲。本無
喜愠抽身早。須信英雄種菜園。與耽於
黃菊候。幽情訴與白鷗知。綠楊影裏三間
屋。羨殺漁人理釣絲。

沈蕙玉

字曉亭江南吳江人貢生倪弁
江室著有聊一軒詩存。讀四
歲可補班氏女誠惜年命不永而弁
江續學旋亦淪亡評閱時為歎感者

自箴

天生蒸民有覺其性陰陽肇判舍元達順
琴瑟載咏蘋蘩攸司夙夜用敬猶懼或虧
無曰深聞莫子云。覬泚愿在躬。指視暗室
惟樹與蘭植於中。田我思君子淑慎塞淵

此以慎
獨自箴

先民有言言不出聞。北雞之晨厥家用損
節以應佩琴以和神。詞苟或覓寧默而存。

國朝詩苑卷三十一

國朝詩集卷三十一
勿尚爾舌。寸心是弛。既悔而追。不脛千里。
嗟嗟愚盲。慎其德音。鸚鵡多言。祇名文禽。

此以謹言自箴

紵纊在筥。煥乎有爛。瘼其以風。滋我永歎。
維織與維。為坊厥心。舍業而嬉。淫慝相尋。
野有絡緯。振迅其翼。尔安用媮。微羽所疾。
雞有孔翠。不如春蠶之子。纂組不如布縑。

此以勤勞自箴

豈妾如賓。孟光舉案。夫豈矯情。媮惰斯远。
啼眉折腰。邦国之妖。彼昏罔知。反以用驕。
幽閑貞靜。曰配君子。載色載笑。若佐之史。
敬而能和。穆如清風。修身準此。維以令終。

此以知敬自箴

同聲歌

小小屬閨闈。感君意纏綿。聘以明月珠。迎
以黃金鞵。結褵自今夕。誓好永百年。采蘭

涉秋水薦藻奉華筵含歡裁作被朱絲操
作絃雖無蘭蕙姿向日呈芳妍一身皆君
有寸心私自憐何以答嘉惠特以充豆边
在天莫為雲雨落難上天在地莫為影日
暮愁葉捐婉妾保素志跬步稱比肩於同
聲申

高同心有和順无仰昵所謂有犹
妻子皆得佚樂於弁江夫姪見之
楊賈女觀察金山陰人布衣

鄉思樓

旅寓金閭五十秋親年多半老依刘嗟予
未識鄉關路廿載空登鄉思樓淺々語自
有远神

姚世鑑字金心浙江归安人王豫室

臥病

臥病逾時歲又新衡門兩版絕曾麗垂簾
怕放東風入春到貧家不當春

姚益敬字元吉浙江歸安人董萱室

力疾作書寄外因題紙尾

月... 卷三十一

尺素題初罷。輕羅淚未乾。離愁不堪寄。聊復報平安。

周淑履

山東萊陽人。高蔭林室。好為相國曾孫女。幼工詩。于歸後夫

切如師。女然蔭林早破家。尺落母家。亦落貧。无依藉。織維以生。數三子讀書成名。卜士近以女師尊之。

述懷

乳軋機杼聲。漠漠空天雪。操作入中宵。十指皆波裂。積絲匹難成。不忍中道絕。著身

編素。寤怡然。矢同穴。

積絲十字為字。如是立節亦如是。

孤兒髫髻年。欲令就外傳。大者陶性。情次亦理。章句寧云。致通顯。不敢墮。故步爾。父有殘書。慰母在寒素。

冬日送別表妹

蕭蕭風雪逼人寒。欲整行裝忍淚看。珍重洪君無別語。高堂代我問平安。

吳巽

字道。嘉興人。鄭聯字。

冬日村居讀靖節先生日月依辰至
句遂演成一律

日月依辰至。村居歲欲殘。補衣朝旭暖。織
素夜燈寒。節分於陵苦。貧借孺仲安。囊空
忘羞澁。不用一錢看。

奉懷兩大人

自注勿弟已亡

復抱西河痛。遙知淚不乾。可憐雙白髮。誰
與勸加餐。

癸丑秋陳妾得舉一子時婿年四旬

美誌喜

窮薄還憑世澤存。朝來弧矢喜懸門。翻嗟

姑舅先朝露。未得生前一弄孫。

誌喜中轉復增悲微

特不如姑弥見孝思此妊德之姪者

聞鴈

一字橫排箏柱來。声声似撥楚絃哀。願為
羽翼借飛去。幾遇高峰誓不回。

綠牡丹和韻

平臺冉冉黛初勻。不逐鄰園鬪麗春。金谷

荒涼成往事。風前猶想墜樓人。商邱宋公

潘時咏綠牡丹二律和者幾于盈千太

皆刻畫景狀餘韻在存也此妙在不

錢幼惠江南吳縣人太史諱中諧女武

平令許廷鏞室。竹素以詩鳴

新安江行

乘潮渡魚浦。沓嶂夾江濱。下瞰綠波影。能

令纖芥分筏。移疑入鏡。確落自春雲。聽畫

潏。潏水灘高易夕。嚙唯

度梨關

迢遞踰梨嶺。肩輿勝駕駢。雄關限閩越。幽

境極東南。地暖常多雨。雲開忽作嵐。細問

望不極。聊復上崑龕。

毛秀惠字山輝江南太倉人諸生王素

室。存素妖情画理不慕榮祿

閩中人亦同素心讀其詩想見其幽居之樂

岸水謠

綠楊深沉塘水淺。輾轉車聲滿疆畝。倒挽
河流上。隴飛渴鳥。銜尾廻環轉。今夏旱久
農心勞。西風刮地黃塵高。原田迸裂龜兆
坼。引水灌之如沃焦。男婦足齒更流血。鞭
牛。日。夜。牛。蹄。脫。田。中。黃。秋。料。難。活。村。郵。盡
呼。力。已。竭。其古促恰稱此題

漁父圖

竹竿裊裊微風裏。失魚不憂得不喜。收綸
放艇出蘆葦。白鷺橫空忽飛起。江皋落日
江水清。水清無復見魚行。仙原有路渺何
處。雲水蒼茫無限情。

錢塘懷古

京洛煙塵棄不收。西湖臺閣作金甌。流連
秋色還春色。詩詠杭州勝汴州。自願苟安

國朝詩集卷三十一

增。幣帛誰。極。孤。憤。報。仇。雙。樓。霞。嶺。畔。將。軍。

墓。只有南枝記。雁邱。宋高荀安父雙言不報

閨闈中亦見及此

乙卯秋外赴金陵省試不售詩以慰

之

新粧鏡。掃學。輕盈。俗艷。由來。易日。成。誰。識。

天寒。何。修。竹。亭。亭。日。暮。最。孤。清。

寒女頻年織錦機。深閨寂寂掩重扉。卻

鶴。烏。為。媒。者。空。向。秋。風。理。嫁。衣。

重陽風雨滯幽齋。失意人難作遣懷。離菊

已花還覓醉。便須沽酒拔金釵。思夫不遇

之

許飛雲字天衣江南吳縣人尚生王又演室

新月

遠望雲山暮。霜淨初生。纖魄挂南樓。樹頭

宿鳥驚弓影。水向遊魚怯釣鈎。淡淡畫眉

國朝詩集卷三十一

微有限。深深學拜便。含愁。廣寒風動銀河。
淺羅襪。新裁夜出遊。此方虛谷所謂若題
體也中二變寫景寫

情新字于末句
借點布置極工

許孟昭字景班江南元
和人許廷錄女

寒夜曲

金剪生寒夜漏長。玉人纖手嬾縫裳。素娥
偏耐秋光冷。來照鴛鴦瓦。上霜。有義山絕
句神味

許楚晚江南元和人
許廷錄孫女

寒夜曲

沉沉夜永漏聲添。倚戶蕭條對彩蟾。青女
不知幽院冷。還吹霜氣入重櫺。

陳奇芳字蘭佩江南吳縣
人舉人時敷五主

秋風

乍覺商飈動。園林色漸非。井梧吹欲隨。梁
燕送將歸。延爽開羅幕。迎涼捲紵衣。漢官
藏扇者。安命掩金扉。

周 巽 字順吉浙江山陰人仁和諸生沈心室昔有頌曼閣小齋

秋夜聞笛

今夕是何夕。忽聽蒼龍吟。成連之海上。手

載有遺音。窺牖月如水。隔牆風滿林。漏深

吹忽折。下盡故鄉心。通詳高格明人

汪 瑤 字雲上江南新安人朱昂室

寒山 自注趙凡夫棲隱處

飛雨過羣嶺。籃輿陟翠微。幽徑入松際。輕

風吹人衣。高士有遺跡。想見疏鑿時。老屋

就深樹。寒泉瀉平池。墓梅雙乳龍。屈鐵盤

高枝。緬懷碩人軸。偕隱賦樂飢。已辭梁棟

林。自。远。太。廟。犧。一。門。擅。文。藻。淵。雅。良。可。師。

自注凡夫及子靈均工古篆配陸卿子工詩子姪文儉工寫花鳥 子亦慕

高隱。願采商山芝。鹿門期可遂。懷古生遐

思。謂偕隱人而已亦願偕隱志趣可知

吳若華 浙江嘉興人藩司吳顯爵女屈恬波室。若華制藝柱工小題

鏤刻近隆万人主漁洋稱士女商
畹人能上制奉文此其替人矣
新磨古鏡

古鏡朦朧減舊清。一朝磨洗倍晶瑩。雲開
夜月秋毫見。雨過菱花色相明。悶世興亡。
疑有眼。辨人好醜。無聲玉臺粧罷時時
拂。莫使浮塵又暗生。五語寫古字巧六語
喻君子知人不自矜

其名也對
偶較勝

留別淮陰道署

三載依依玉鏡前。舊梳粧處最相憐。不知
今後紅窓裏。人是何人點翠鈿。

秋風

滿耳蕭騷夢不成。殘雲涼月夜淒清。等閒
吹落長林葉。雜入千家撼練聲。

宋凌雲

字逸仙江南長洲人李博室。
昔銓部宋南園先生嘗向余言
孫女弱齡即喜誦吾子詩粧甚側時
手一編也今將四十年其言如昨而
逸仙已且泉壤矣俯
仰三世可勝慨然

偶成

天外魚書絕。征人豈念家。可憐小兒女。夜夜看燈花。

憶父

吳樹燕雲斷。尺書迢迢兩地恨。何如夢魂不憚長安遠。幾度乘風問起居。欲歸未得悵空囊。兒女相思淚數行。苦憶寢門雙白鬢。朝朝扶杖倚閭望。

許

權字宜煥江西江州人進士崔瑛室

七夕

七月七之夕。家家望女牛。神仙不可見。涼風何颼颼。我疑天孫之巧。轉近拙。東西隔斷難飛越。一年一度一分離。千古銀河響幽咽。不須乞巧向天孫。若賜巧來愁欲絕。君不見東家力田婦。耕饑常相隨。且暮共苦樂。白首不分離。又不見西鄰有才女。夫

堦上玉堂終年不相見。悵望悲河梁。玉露無聲夜。清悄盤中。盼斷蛛絲遠。不知巧思落。講家只恐巧。多人易老。寄語人間癡女。兒寧為其拙母為巧。

尹瓊華 字秉貞江南吳縣人十培基室

秉貞淑慎敦孝行年二十三

再娶重妇德也

空閨工六法取勢入微。茫野渡漲秋水遠。

山明夕陽古心無。麗藻淡墨有冰霜。不點

雙飛鳥。圖中斷頰頰。三四語正寫畫餘俱

注

韓韞王 江南長洲人宗伯文懿公幼女

西寧知縣顧渭熊室。前輩韓東籬太史述幼妹少讀羣書兼工詞翰年三十時著述已富病歿前盡取焚之。不欲以文采見也。渭熊後書帙中檢得十餘首。此於吉光片羽云。

詠鶴

丹頂玄裳白羽輕。芝田舊日得仙名。生來

雲水原天性。望裏蓬壺是去程。代遠每過千歲壽。露寒常向九皋鳴。不隨衛國乘軒隊。穩臥松蘿夢太清。

楊克恭

字德基江南揚州人少傳敏莊公孫女德清保志岩室封宜人

讀唐書李白傳

汾陽微日無人識。獨有青蓮賞最真。再造

唐家緣救免。可知卓見出詩人。

太白識郭汾陽于行

伍中為脫其罪後白陷永王璘事汾陽欲解職以贖其罪新唐書載之宋子瞻

言之後人論駁謂其者改毛索病殊可不必

金

順字德人江南吳縣人中書汪曾裕室夫亡以節孝稱

題管夫人畫竹

妙墨由來數仲姬。閨房靜對寫風枝。王孫

若解凌霜節。合署鷗波老畫師。題仲姬畫

諷諭王孫用意微婉

表

機字素文浙江仁和人太史子才之妹幼許字如皋高氏子後高

以子有疾願離婚素文曰女從一者也疾我侍之死我守之卒適高人

庚。佻。蕩。傾。奩。具。為。狎。邪。費。不。足。扑。撲。外。至。以。火。燒。灼。之。姑。救。之。醫。母。折。齒。既。欲。鬻。妻。以。償。博。者。不。得。已。始。母。家。長。齋。素。衣。孝。養。母。氏。高。氏。子。死。哭。泣。尺。哀。血。淚。尺。越。一。年。亦。死。女。子。中。苦。行。年。逾。此。也。檢。篋。筒。得。手。編。列。女。傳。三。卷。詩。一。卷。

有鳳

有。鳳。荒。山。老。桐。花。不。復。春。死。還。憐。弱。女。生。已。作。陳。人。燈。影。三。更。夢。墨。花。頃。刻。身。何。如。娟。與。鶯。鳴。噪。得。天。真。

聞鴈

秋。深。霜。氣。重。孤。雁。最。先。鳴。響。入。空。閨。靜。心。憐。永。夜。清。自。從。成。隻。影。同。是。感。離。情。誰。許。並。高。節。寒。林。有。女。貞。應。自。归。母。家。後。作。自。憐。隻。影。靜。正。守。貞。可。

以哀其志矣

欽定國朝詩別裁集卷三十二

禮部尚書 臣沈德潛纂評

戒顯字每堂太倉人以下僧詩○玩登黃鶴樓詩應是遺民而為僧者無

詩稿於卷中得之

登黃鶴樓

誰知地老天荒後猶得重登黃鶴樓
浮世已隨塵劫換空江仍入大荒流
楚王宮殿銅駝卧唐代仙真鐵笛秋
極目蒼茫渺何

慶一瓢高挂乱雲頭起有撼山岳吞雲夢之概具此胸次手匕

不管崔顥題詩在上頭也通体俱採得起

止崑字豁堂浙江仁和人著有同凡草

嘗云人非金石立見消亡不若逃形全真自遊方外詩三卷王新城尚書

目為漫惠休帛道猷之流

田家

田家無他望所望在平畦但恐終歲力不
得得秋何哉造物者亦得厚我施夜來

微雨過使我菜麥滋登邱一憑眺秀色遠

參差此時桃與李豈乏好容姿顧予朴野

性獨與此相宜及時務耕作那敢貪天時

近陶公性情不在面貌

戲酬友人惠日鑄茶

幾日春遊徧若耶入城布衲滿煙霞正愁

仙福難消受又喫人間御貢茶

月下由御墩場下投淨慈宿朗公房

御賜場中月直時下山全不道歸遲三松
影落半湖水一路沿鐘到淨慈

南潛

字月岩浙江烏程人。月岩蓋姓說名本貢生中其出家吳之靈岩寺詩思路于筆俱不凡然多偏散欠完善茲錄其近情者

招魂曲

夢魂夜逐青桐葉飛落秋園作蝴蝶一星
鬼火入筵青法王院榜招魂帖靈燐剪紗
錢剪紙月黑松搖古鬚鬚高僧咒開枉死

城精靈隱叱啼秋怯嘯聲認得故人魂猶

帶生前舊豪俠

見氣近

宮人入道和唐人

聽斷昭陽鼓吹聲道家衣向御前更已拋
團扇三秋怨卻勝琵琶萬里行留錦祗謀
衰秘笈買絲還擬繡飛瓊天家異日齋香
使白髮官奴記舊名

和平之音

聽雨

梧桐滴瀝客心驚，秋雨能吹白髮生。
孤館燈昏惟對影，麗譙鼓濕不知更。
前宵松月疑塵夢，明日泥塗聽屐聲。
尋著漏痕當屋角，夜深百匝繞書行。

實訥

字可南，江南吳縣人。○詩從黃子若木處鈔得，無稿本也。氣清語削，盡塵俗見我吳前此大有詩僧。

石公山。

湖上山忽起，窅兀孤雲中。洪濤日相擊，飛

雪灑晴空。懸崖疑欲墜，怪異由天工。雨晴蒼翠濕，水落根玲瓏。時有好事者，聞來窮鴻濛。

傷范東生

蒼水清湖水，渾東西相望。愁人魂君今長別，故山去。春光寐寂，梅花村湛園。月下池光冷，冷浸芙蓉夜。正永於今何處問，風騷空向草堂弔清影。

江樓望月

江村猶不夜，月已到高樓。碧瓦光相射，
虛檐影自流。山山皆在水，樹樹盡成秋。
天迥空無著，西風一釣舟。
起與殘夜水明樓同
在水區得

爛溪訪周公美不值

晚風吹亂葦，鏦鏦鳴芳疇。山月白如曉，溪
雲涼似秋。聲在高樹水，氣生空舟。問主

見門前閒居鷗

夜同疑父宿，元朗齋頭有懷秋。潭

簾外絲已雨，因風亦易晴。孤燈照清話，一
鉢了浮生。野鳥不依樹，閒雲偶入城。懸知
溪上意，流水是經聲。
生新之句時
近賈長江

荅重然明

木落水容淡，寥寥獨鳥還。小樓明月上，照
見隔溪山。貽我句何逸，想君心倍閒。前期

國朝詩別表集卷三十三

倘不棄掃石梅花間所吳八首中五首寫月得月之神并傳月

下人性情前身豈謝希逸耶

顯謨字言成江

東陸長卿

為別亦何易山山盡是秋曾期過一夜不見到孤舟風勁葉離樹月寒人在樓所思湖水濶清夢得同遊

一海遐字介旭江

送友之吳門

東風吹柳拭煙輕折贈柔條空復情一望吳山千萬疊知君只在此中行

同揆字翰菴江南吳縣人著有寒溪詩

猶子也滄桑後述于禪所為詩皆人倫日用盛衰興廢之感墨名儒行斯人有焉

鼎湖篇贈尹紫芝內翰

丁丑戊寅間先公受知於列省帝

遵旨改撰琴譜宣定五音正声被
諸郊祀上自製五建皇極百僚師
師諸曲命先公付丑熾芝内翰翻
譜鈞別時司其事者内監琴張張
奉命出宮嬪褚貞娥等礼内翰為
師指授琴李頌賜紫花御書酒菓
繡葛之属極一時寵遇迨閩賊肆
逆烈皇帝殉社稷諸善琴者皆投

内池内翰恐御製新譜失傳忍死
抱琴而逃南歸謁先公於香草垞
言亡國時事甚悉後此三十九年
不復聞音耗美琴亥秋余在寒溪
内翰忽來和見如夢寐意欲雜梁
事余學佛余傷之為賦鼎湖篇以
贈

鼎湖龍去秋冥冥驚風吹雨秋山青白頭

中翰淚凝霰叫霜斷雁樓寒汁烈皇御宇
十七載身在深宮心四海一朝地老與天
荒城郭依稀人事改當年刪定南薰曲內
殿填詞徵名役琴張好學直乾清先公屢
賜金蓮燭雅樂推君獨擅場望春樓下拜
君王高山一奏天顏喜奉勅新翻舊典章
昭儀傳諭何諄切予賚先頒二兄葛上林
避暑撫絲桐溫語貞娥遵秘訣流泉石上

坐相邀薇省風清玉珮瑤神武門前輕
戟永和宮裏薄吹簫如意初殤淚沾臆注白
惶五子那堪又報河南失鈿蟬零落葬田
妃池水蒼茫尚凝碧寒食花飛不見春冬
青塚樹斫為薪煤山一片淒涼月猶照疆
場血化燐世間萬境須與夢老臣剩有西
臺慟四十年來寄食艱何人再聽高山弄
鑑湖南去雲門外古寺松篁景晻靄維山

無意忽相逢恍惚夢魂同晤對夕陽影裏

話前朝天壽諸陵王氣消留得閒身師白

足滿頭白髮影飄蕭吳梅村祭酒詩道勝朝亡國事凄切

可被管絃令讀者恍然傷懷此篇竟似出梅村手梅村道木身事輪菴道先人

事其感一也神來尤在後半

過五經嶺

絕望松杉合懸岩冒雨登雲中人種麥天

際我攀藤路五經能轉巢危石欲崩寒煙

滿羅屋應有未歸僧

飛亦能作奇語

吳翼生歸自塞上話舊

七載風霜雪滿韉曾騎欵段獨行邊之官

恰值初裁俸作吏惟知不愛錢薄宦暫歸

仍是客殘僧久別已忘年地妒草火深宵

共破院相依有風緣清味自見吳後為家

宰

大燈 字同岑浙江秀水人○以下五僧詩皆得自選本中

秋夜宿八峰山房

黃花籬下亂蛩鳴古寺秋高嶺月明夜半
石牀清睡去不知枕上落泉聲

大孤 字節在注南宣城人

游墅留贈周王鳧儀部

瓢笠飄然特詵君連朝風雨惜離羣青楊
花覆山橋路白石溪連竹屋雲却怪鷓鴣

潮風得致將騷擾應龍文荒涼一逕空延

佇回首江關已夕曛 時儀部罷宮家居故有五六語

函可 字初誠廣東南海人

丁亥春將歸羅浮留別黃仙裳

春盡雨聲裏揚帆起曉晴路經三笑寺歸
向五羊城末世石交重餘生瓦鉢輕悲涼
無限意江月為誰明

本源 字元菴浙江湖州人

過王暉菴舊居却寄郡城

菴城摩詰在久不佳
嵩阿白日携筇到青
山送客多林空一片
月澗落萬重波知我
無如子秋深幾度過

大寧字石湖浙
江錢塘人

寄胡柏菴

時有渡江夢孤懷歷歲深
澹雲歸鳥意春
樹野人心岸草青連屋
山花紅滿林好知

千古事明日幾回尋

成鷲字跡剛廣東番禺人著有成陟堂
詩集○上人姓方氏本名諸生九

谷先生弟也中年削髮既為僧所著
述皆古歌詩錯文無語錄偈頌等項
本朝僧人鮮出其古者擬
之於古其惟僵秘演之俾歎

祝髮呈本師

男兒愛身及膚髮平生一毛不敢拔
蹉跎四十一回春負此遺骸等株
椹蒙師為我操慧刀頭上不與留
纖毫一朝四大輕鴻

毛昔日縫掖今方袍縫掖翁方袍子本來
面目應相似鏡中見影不見形莫道昨非
今乃是請辭大眾入山去山月松風供穩
睡莫道昨非今乃是見為儒未必非為僧
未必是也知其未必是而為之此何故
耶

羅浮采藥歌

朱明老仙能辟穀日飯胡麻茹黃獨輕身
直上鐵橋行踏破飛雲七在足四百峰頭

種紫芝千尋澗底萹蒲綠藥名藥品皆離
奇如農本草那得知相逢一一為予說予
心半信還半疑老仙大笑道予去指點深
山最深處隨取隨有却隨無殺人活人不
知數傾筐不盈匕更歸歸時忘却來時路

縹渺
欲仙

秋鐘

寂寞秋原寺霜鐘韻最幽數声生殿角一

夜白人頭鼎七月當枕蕭七月風滿樓何能
此時節還起景陽愁

鏡

愛爾本無我虛明識故人滯形還偶影顧
笑復憐鬢虛室自生白太虛誰寫真所嗟
承弁髦一見一回新惟太空所以無物不
照寫鏡寫心是一是

問影

不辨誰賓主何因有往還憐君時一顧笑
我未能開世態膠難合前塵跡可刪終當
事韜晦相待掩重關

登大科峰頂

愛山登陟不辞勞直上巖峯振敝袍老妻
始知行脚穩年來惟恐置身高青天有路
隨孤鶴滄海無根伏六齋閒倚西峰發清
嘯下方誰識是吾曹出世語何必

讀宋史偶筆

從來吾道本虛公，雉蜀何因有異同。端禮門前書姓氏，原來都在黨人中。

洛蜀同異，摠在黨籍。

碑中一以見相爭之多，事一以見程蘇之均不碍為君子也。此種詩可當史論。

大成字三菴南醴陵人

山居

一株兩株老松青，松下結個小茅亭。三日五日來一次，肩荷柳栗手持經。讀經讀到

山月出聽松聽罷天落星，適然拋卷松間

臥夢與松根乞茯苓，有生趣另

海岳字中州南鎮江人

訪友不值

尋君復不見，寂寞出林間。落葉溪邊路，浮雲海外山。午煙桑柘隱，秋色戶庭間。愛尔幽棲子，歸來不閉關。

天定字雙溪北武昌人

涵師峨眉遊歸因贈

我眉兩去似登天。見說新行到頂邊。古木
千年都化石。衲衣六月。揔袞。楨陰風晝灑。
巖端雪急。兩宵聞洞口。泉袖得圖歸。誇示
我芒鞋踏破意。忻然。奇語却是真境故人
黃尊古住我眉半載

僧殘字石淨湖
南湘潭人

古意

瘞琴戕眉巔。知音何處。寥寥埋骨。易水旁。佛
士魂難招。物性不可違。豈必添與膠。嘗恨
士不遇。白首空蕭騷。齊已能作
砧壯語如
我劍繞殘尊歌終便

出門是也
寸更過之

超遠

字心辨雲南人。心辨出家西江
之盧山荀印來公巡撫西江與詩

接倡和後移節江蘇心辨復來吳中
又有倡和詩時人心東坡得佛印比
之

竹湛

數家煙樹裏。竹湛最佳名。茅屋經秋補。山田隔歲耕。殘陽歸牧笛。零露咽蟲聲。更遇村翁說。生平未入城。

鐵鑲橋

萬山誰劃削。一水界東西。地曠風逾急。天低雲易迷。半空橫鐵索。千尺跨虹霓。我欲橋邊宿。江猿休夜啼。

曉音 字唯菴 著有高雲堂

御製有欲遊華山未往七絕唯菴和至百首進呈大約以多為貴皆效祇錄清真一章重性情也

過東寺晤天逸兄別來已二十六年

白頭相對慨然有作

吳天楚地兩茫茫。尺素難憑雁寄將。隔絕五千餘道路。俄經一十六星霜。祇疑相對還成夢。敢定重逢在此方。願我青年悲失恃。羨君白髮奉高堂。
自注兄有母年逾九十

性休字尺未前朝宗室後未詳自縣

漁父圖

東西南北任遨遊。萬里長江一葉舟。夢裏不知身是客。醒來大地忽新秋。從漁洋詩話采入

德元字訥園江南長洲人著有來鶴庵詩

玄墓看梅

謝却蘭橈信杖藜。千峰盤磴入花畦。晴雲度影迷三徑。暗水流香冷一溪。僧寺多藏

深樹裏。人家半在夕陽西。登臨更上朝元閣。滿壁苔痕沒舊題。

石墻茹屋老梅叢。仄徑危崖處處通。半嶺人煙香雪裏。下方雞犬白雲中。溪邊楊柳萌新綠。谷口櫻桃綴小紅。還擬放舟明月夜。虎山橋北太湖東。

通岸字智海廣東人

采石謁李祠題我眉亭

江南雨過羣峰青。沙邊蘭漿時一停。青蓮居士不可見。千秋空有我媚亭。峨眉山月還依舊。昔年曾照盃中酒。為問騎鯨飛上天。不知更落人間否。

古英 字願來 廣東人

山行

出門無定所。一路喬松陰。流水道人意。青山太古心。偶然乘興往。不覺入雲深。獨立

發長嘯。蕭蕭風滿林。

智朴 字質菴 江南徐州人。拙菴主。蜀州之盤山作山志。與新城商邱諸公往還。其詩不多見。

盤山

蒼松亂插連雲石。石上苔痕虎行跡。拄杖來從飛鳥邊。下視蒼茫遠煙碧。

宗渭 字紺池 江南華亭人。紺池少學於宋荔裳觀察。中年後遊西堂。尤侍講之門。得所傳授。嘗謂弟子曰。詩貴有禪理。勿入禪語。弘秀集雖

唐人詩實詩中野狐禪也
即其議論可以規其品格

橫塘夜泊

偶為看山出。孤舟向晚停。
野梅含水白。漁火逗烟青。
寒嶼融殘雪。春潭浴亂星。
何人吹鐵笛。清響破空冥。

春潭五字每於夜泊時遇之

次韻醇九來

風急樹蕭蕭。思君夢易銷。
鳥啼黃葉寺。僧語夕陽橋。
得句霜鐘度。安禪佛火燒。
十年

詩律苦珍重貯山歌

織簾先生書齋晚望時韻伊人屬和
隱几澹無慮。日斜偶故闕。鳥言寒。顧竹樹
色靜疑山。世藉六經重。天留一老閒。落霞
江岸遠。如為暎蒼顏。

浦城下水

隔宵戒語過清晨。細雨枯蓬出劔津。
舟子下灘常闕水。告人遇險只呼神。
空門無我

休言命逝者如斯任此身兩岸鳥啼行不
得徧山紅紫杜鵑新。

重過海印菴

三年重向虎谿遊石路依然碧水流鳥背
斜陽微帶雨寺門衰柳漸迎秋弟兄語重
難為別師友情深竟莫酬歎息此身閑未
得天涯明日又孤舟。鳥背一層斜陽在鳥背一層微帶雨又一層

層七字中寫出三層渾然無迹

中秋同鹿洲圯授天行紫英業師坐

月

銀河漱澀碧雲鮮徒倚柴門月正圓影瀉
蒼松清帶露光搖秋水澹無煙鐘殘自愛
添衣坐香燼何妨後客眠皎潔一年惟此
夜莫教容易負嬋娟。

早起

宿雨散涼色竹林煙未醒流鶯三四語啼

國朝詩別集卷三十一

破半窓青

願光字心月

送陳少菴之楚謁所知

粵國千山外。言揚楚水舫。送君出江口。黃葉滿津亭。樹色寒雲夢。秋声落洞庭。故人一相見。吟眺九疑青。

薄宛字蘭谷

劍閣

險絕惟雙劍。迢迢一線通。水分巴字峽。山接漢王宮。梯石來天上。穿雲入地中。無知憐李特。湯欲寄壺叢。五六極形其險結意見竊據必敗猶少陵叙公孫述割據後云恐此復偶然隔風黑凋張也

虎邱訪賣花老人

緩携柳栗訪山家。一路斜陽五色霞。不是閒園是花園。可留餘地種桑麻。正論也勿謂方外

人作殺風景語

元龍字牧堂江南華亭人牧堂與化

祖南廵獻詩命賦山色有無中積

旨賜紫初成詩取捷晚歲自悔若

吟存詩寥寥故所收從畧

秋胡行

養蠶勝養兒養蠶猶吐絲養兒防親老而
乃離親聞君憐采桑婦不念桑榆人桑榆
景苦短桑婦時悲辛還君相贈金請君斷
諸去君意在桑間妾情非濮上攀條謝二

君得野人火望顏延年此題詩詳叙列女

自見此渾括大意明責其不能養親而秋胡之不孝彌見頽詩妙在詳此詩又

乞食

惟聞纔定起洗鉢出門行童子亦知善談
齋非愛名說經酬飯價回施合凡情果腹
便歸去寒山萬木平

大寧字石湖江南桐城人

雜韻

峯頂屋三間。松邊石一片。早晚雲飛來。只有樵夫見。

元璟 字借山浙江平湖人。借山以詩

午歲與子遇於天宮佛寺名流咸在。時炎月借山裸裎指子曰此即長洲沈先生耶既出詩藁相質為黠出敗闕幾處輒心服別時整衣送半里外知非一例傷岸者也惠天牧學士不許人向人每稱借山即詩品可知矣

三忠祠 日古陸秀夫安世傑文天祥

播越無全業。報危不顧身。崖山傾一旅。業市接三仁。棋到殘難笑。金從鍊後真。崇祠妥海角。歲歲薦香蘋。

一覽樓

未放九峰舟。先登一覽樓。天清鶴孤唳。地盡海東流。佛土由來淨。神仙不易求。松風和梵籟。滌蕩客中愁。

十月朔入倉稽山平陽寺參寒泉老

人

雙眼平生隘。八埭江東法。社半蒿蕪波。光
清沈耶溪。曲山色奇爭委宛。開鐘自萬松
陰裏出人隨。一雁影邊來。須知水乳相投
合。緇石磨。輒挽不回。

蛟門

十丈帆張五兩風。笑談間已出蛟宮兩峯

石東波爭立一隙門。開天忽與吳楚蒼頭

逢。黑印翻魚眼。松檟紅平生。夷險經曾

慣。要吐胸襟。浩蕩山。與東坡泛海詩同一
襟懷乃偏出自學佛

人知不以禪
麻自縛者也

荅徐文虎

偉長詩骨玉森森。顧我城南祗樹林。入夢
幾人飛白鳳。登臺終古。黃金塵中歲月
愁。將老霞外心。期話自深。若得把茅靈不

近瘦梅花底共清吟

斥堠

五里與十里一雙復一隻送盡往來人轉似無情客

盧溝橋

日色纔分萬象富黃塵漠漠馬蹄驕題詩笑問柔乾水曾有閑人過此橋十四字中寫盡往來

名利之客不
當頂博易

馬家山

山脚山腰盡白雲晴香蒸處書氣氤氳天公領略詩人意不遣花開到十分花取半開不盡此作者有得之言

過楊鐵崖故里

玉削羣峰抱一林甘泉如乳出雲根負薪伐木扶犁叟多是楊家十葉孫此詩漁洋采入詩話
睿字目存江南吳縣人○目存工畫山
花卉人物俱師法古人南宗北宗

國朝詩別

卷三十一

七

蕪善當路薦入京師旋以疾告歸方
外中淡於榮利者無詩稿茲從畫卷
中采

題簪花圖

莫摘濃香壓髻。鴉懶將時勢鬪鉛華他年

得入維摩室不說簪花許散花圖寫張憶

中題詠幾千百人獨此首甚超

然修字桐臯江南長洲人。桐臯詩筆

次主講席也年三十餘物故詩稿不傳錄其勤石金山一首

金山

蒼茫落日下。塵穢身在荆關畫裏過飛去

斷雲雙白鳥。峯成寒浪一青螺。斬王有廟

疎烟冷郭璞無墳亂石多。千古寂寥俱莫

問且聽江月送漁歌

岑霽字懋亭江南長洲人著有柏堂詩

書與友生誼蓋除於禪者也詩品清

散無塵遠近名流爭欲識其面懋亭

詩曾矣

貫華閣晚眺

輕風起長林疎鐘應巖谷一徑度秋篁高
閣散遠印江平飄去遲樹暗雲歸速春江
淡容與寒花正芬馥物情愛和煦人意
幽獨悠悠酌山泉夕陽下喬來

柏堂對月和周昇逸

柏堂今夜月雲物不能侵對此碧空淨
看白雲吟人簾明鶴髮繞樹見禽心坐

清言火疎鐘報隔林

朝光寺

磴道盤紆上化城松篁影裏亂泉鳴徑堆
黃葉行偏淥鐘過白雲聲更清帶雨秋潮
歸海靜盤空山勢到江平道人自有燒丹
處認得當年舊品自注有呂仙鍊丹處

西山道中

扶携筇竹上空亭夾路長松不斷青千尺

澗泉飛洞壑百盤螺髻入高冥人行亂葉
雲迷屐雁下寒虛帶滿江空谷誰能繼遺
逸移文應學草堂靈詩思清人骨
自龍泉開過巖宿白雲寺
萬丈雄關到始詰空中斗插五浮嵐白雲
僧下山頭赤黑雨龍飛石上漂冰雪百層
寒代北波光一線認江南閉身隨處堪投
宿直上諸天是蔚藍

尋澗上先生故居

先民隱迹付寒煙。築杖相過一愴然。谷鳥
飛鳴竹林外。山花開落草堂前。鑿坏而遯
名難晦。采蕨為糧世共賢。一曲山泉上沙
出。何人漑灌種瓜田。是逸民是遺老伯夷
邵平一身兼之詩品

絕清

露筋祠

沙草淒迷煙樹昏。荒祠寂寞託貞魂。靈蘋

高捲秋風晚。惟有清淮照墓門。賦此題者多粘滯近

腐王漁洋以寫景別行一路為遊俗也作者同一寫景而意言之外仍復表其

幽貞故自耐人尋味

蘋花

翠葉金花雜杜蘅。湘湖千里最知名。秋風
颯颯過南浦。鄉思無端一夕生。

德亮字雪林江南長川人。此吾友樹

能面斥人過人以正理責之亦拜而受詩不多你出語必欲勝人

龍泉閣

絕域龍泉限。橫關鳥道開。塞雲昏客路。虎
氣伏山隈。風土猶三晉。人煙自五臺。當年

頻設險。因憶出羣材。沉雄無流筍氣

孤花

一點出塵絲。春情仍白深。香微憐土薄。開
晚少人尋。雨漬猶堪賞。風吹略不禁。儵然
苔石畔。誰為表孤心。極寫孤字形神俱有

佛暘 字旭暘 南江都人

月夜過雷塘道中

誰唱吳歌古渡頭。一聲清怨過迷樓。淒涼
滿地蘆花月。撩亂連天鴻雁秋。寒樹著霜
猶是綠。廢塘埋玉尚名鉤。道人不為繁華
感。午夜行吟別有愁。

德暉 字潛谷 南吳縣人

探梅

老戀繩牀嬾出林。偶攜筇杖破苔痕。到來
晴雪迷巖谷。臥入寒雲冷夢魂。目既成餘
惟。有笑。心當醉處欲忘言。一瓢此際真堪

挂。擬剪茅茨覆草門。王漁洋以蒼雪僧十

家在雪中。山句采入詩話。中潛谷臥入

寒雲冷夢。魂名雋。正復不讓五六尤覺

脫盡

超源 字蓮峯 浙江錢塘人。蓮峯見知

吳中怡賢禪寺一時尊宿也。而其詩

揣摩王孟舉釋典玄妙融化出之。殊

有空山冰
雪氣象

題畫

溪口有亭巖邊有屋不見人歸空留雲宿

向度滕公嶺有句云石屋不見人
惟留白雲住不意蓮峯先得我心

夢故友程風衣

春雨何淅淅春雲更沉沉程君已隔世宵
夢來相尋自言身朽心不朽象外風月皆
吾友從前膠擾海天空祇是泉臺無美酒

斜陽煙柳門前送欲別不別重牽衣寄語

淮陰小兒女我今野鶴同翻飛

友人枉過開化寺

青眼多情容携朋問暮秋人同山共瘦時
與水俱流黃葉迷村路清風滿寺樓荒涼
郊外景肯向錦囊收

題畫

春浦風生柳岸斜好山何處著人家白雲

遊斷橋西路不許漁郎問落花漁郎問落花韻事也

今云不許問
尤見其韻

妙復字天鈞江南無錫人有石林吟藁
天鈞與柴道士洞泉村太史雲

川結詩社稱
九龍三逸

兩鶴

昔年兩白鶴巢我清松林夜寒時警露衆
空流清音一鶴戀故栖子焉守雲岑一鶴
忽遐舉天路探幽深神山境恍惚浩浩誰

能尋驚風吹未息素羽愁難任故林遙待

汝貞此巖阿心作招隱詩讀

訪山中禪友

曉愛山氣清晚愛山煙蒼日夕常在山遂
與山相忘相忘忽相憶憶我山中客松扉
輕叩聲或恐驚棲翼

律然字素風江南常熟人著有息影齋
詩素風於詩友三五人外不慕

貴遊不飾鉢資坐石經室幾六十年
人品高故詩亦不落禪門偈頌體也

柏太史瀛高許以穆如清風靜若止水人共信之

落梅

和風和雨點苔紋。漠漠殘香靜裏聞。
林下積來全似雪。嶺頭飛去半為雲。
不須橫管吹江郭。最惜空枝冷夕曛。
回首孤山山下路。霜禽粉蝶任紛紛。

西齋小葺初成西澗露渚兩先生見

過贈詩次韻

緇廬不厭如蝸小。喜是軒窓兩面開。
種竹葉沾新雨露。移松根帶舊苔。
苔偏多白髮。携筇過儘放青山。
入座來點檢。階除忙未了。幽花野草接時栽。

悼鶴次蔣迪甫太史韻

病久胎禽剩瘦形。朝來羽化竟冥冥。
孤情望斷林間影。禿筆書殘石上銘。
苔徑忽空新印跡。松巢恐見舊遺翎。
高人從此添離

皇朝詩別表集卷三十一

索哀怨還如失一下語語

元祚字木文湖廣雲夢人西洞庭山寺住持著有鶴舟詩草

獨樹堂散懷

得失吾何有榮枯事盡刪
神常遊物外名恐落人間
流水一聲聲夕陽素點山
閒身倚枯樹佇看鳥飛還

掠竹新添杖扶來步步安
渾如得老友從此共盤桓
天地孤身在冰霜白髮寒
一編

寫情性只可自家看

寄高澹游

賣盡青山說買山高年正好學
偷閒洞庭儘有梅花屋何不携
家住此間澹游工六法故有起

明印字九方江南常熟人吳中怡賢寺住持

秋日過王岡齡山齋次韻賦答

良辰赴幽期名園散清步黃菊未辭秋霜

國朝詩別表集卷三十一

國朝詩集卷之三十一

鴻正橫曙道。選玩泉石參差繁樹。主人

出卷軸。精力所疑。注太法韻俱流。五字神

或助把玩。境不如。總極翻成。妬我見猶憐

妬極翻成愛也。此對面言之。一係佳人一係釋子。不禁深然。

陟級已梯空。登茲江畔樓。取適那在高。聊

足恣冥搜。虛簷仰晴宮。疎檻臨平疇。西山

送遙青。風前上簾鉤。趣以淡為賞。情以忘

轉授寒城送暄鐘。一笑還淹留。 卷終

水月寺

